

CC.OO., UXT e USO asinan o convenio definitivamente, esquecendo ao persoal de almacén e oficinas e rebaixando melloras que xa estaban concedidas

O pasado 27 de xaneiro asinouse o texto definitivo do convenio de comercio de alimentación da provincia da Coruña.

Estes son todos os cambios introducidos no convenio:

- VIXENCIA: 3 anos (2009-2010-2011),
- SUBA SALARIAL: 28€ lineais para tódalas categorías,
- Suba de 3'62€ do salario de promoción da categoría de Mozo.
- CLÁUSULA DE REVISIÓN: IPC + 0% aos 3 anos,
- As xornadas a tempo parcial que non pasen de 4 horas deberán de ser continuadas. A empresa informará das vacantes a tempo completo (só informará, sen ningunha obriga).
- Descanso para xornada de traballo superiores a 6 horas: 20 minutos.
- Restrínxese o desprazamento temporal a centros en concellos limítrofes.
- En canto a licenzas, equiparación das intervencións cirúrxicas sen hospitalización que precisen repouso domiciliario á hospitalización.
- Aumento a 18 días da licenza por lactación,
- Ampliación do dereito de redución de xornada por coidado de fillos de até 10 anos.
- Permiso para renovar permisos de traballo e residencia aos traballadores estranxeiros.

Este convenio consagra a grave discriminación que levamos padecendo durante moitos anos os traballadores de almacén e oficinas, aos que se nos nega unha vez máis a aplicación das cláusulas que obrigan a ascender de categoría (coa conseguinte suba salarial) a todo o persoal das tendas.

Asombrosamente, na sinatura final a patronal non incluíu algunhas melloras que xa concedera ao longo da negociación. Aos sindicatos claudicantes non lles pareceu mal. Por ex.: aumento do 20 ao 25% do plus de nocturnidade, aumento da indemnización por despedimento en caso de mobilidade xeográfica de 25 a 30 días, regulación da recuperación de vacacións en caso de baixa...

É máis asombroso aínda que os traballadores do grupo IIIC (mozos/as) aos 3 anos pasen a cobrar máis que os do grupo superior IIIB (mozos/as especializados/as, oficiais de 2ª e auxiliares administrativos/as). A CIG advertiu deste absurdo en varias ocasións sen que a patronal nin os sindicatos asinantes lles importara en absoluto. É unha proba máis do respecto que teñen polos traballadores de almacén e oficinas, tanto uns coma os outros.

A CIG non renuncia en ningún momento a seguir loitando para eliminar este desprezo e discriminación cos traballadores de Piadela e continuaremos na mesma liña de reivindicación mentres non se solucione este problema.

BASTA XA DE DISCRIMINACIÓN COS TRABALLADORES DE PIADELA

TÁBOAS SALARIAIS

Grupo profes.	Nivel retrib.	Categorías Incluídas	2009		2010		2011	
			Salario base	Salario anual	Salario base	Salario anual	Salario base	Salario anual
III	A)	Dependente/a, caixeiro/a, profesional de oficio de 1ª, capataz/a-encargado/a	889'86	13.347'90	917'86	13.767'90	945'86	14.187'90
	A)(S.P.)	Grupo IIIA (Salario promoción)	21'00	315'00	21'00	315'00	21'00	315'00
	B)	Auxiliar de caixa (a caixeiro/a), auxiliar administrativo/a, operador/a, profesional de oficio de 2ª, mozo/a especializado/a	848'28	12.724'20	876'28	13.144'20	904'28	13.564'20
	B)(S.P.)	Grupo IIIB (Salario promoción)	16'29	244'35	16'29	244'35	16'29	244'35
	C)	Axudante/a de dependente/a (a dependente/a.), repoñedor/a (a aux. caixa), envasador/a, marcador/a, cobrador/a, profesional de oficio de 3ª, conserxe, vixiante, mozo/a	830'90	12.463'50	858'90	12.883'50	886'90	13.303'50
	C)(S.P.)	Grupo IIIC (Salario promoción)	21'00	315'00	21'00	315'00	21'00	315'00

Plus de Transporte (2009): Tódalas categorías (12 pagas) **64'46** (en 2010 e 2011 aumentará segundo o IPC real a fin de ano)
Axuda escolar (2009): **65'58** (en 2010 e 2011 aumentará segundo o IPC real a fin de ano)

Axudantes/as de dependente/a (IIIC) aos 3 anos pasan a dependentes/as (IIIA).

Repoñedores/as (IIIC) aos 3 anos pasan a auxiliares de caixa (IIIB).

Auxiliares de Caixa (IIIB) aos 3 anos pasan a Caixeiros/os (IIIA).

Mozos/as, oficiais de 3ª ou 2ª, mozos/as especializados/as e auxiliares administrativos/as non pasan nunca a ningunha outra categoría.

O persoal que leve 3 anos na categoría IIIA cobrará o salario de promoción.

O persoal que leve 5 anos na categoría IIIB cobrará o salario de promoción.

O persoal que leve 3 anos na categoría IIIC cobrará o salario de promoción.

Os atrasos non se cobrarán até que saia publicado o convenio, dentro de dous meses como mínimo.

ATRASOS de 2009:

- Para tódalas categorías: 392€ de salario e 6'12€ de transporte (0'52€ de Axuda escolar).

- Para dependentes/as e caixeiros/as: 21€/mes a partir de que se cumpran 3 anos de antigüidade na categoría (294€ se xa se levaban eses 3 anos a 1 de xaneiro de 2009).

- Para mozos/as (IIC): 3'62€/mes a partir de que se cumpran 3 anos de antigüidade na categoría (50'68€ se xa se levaban eses 3 anos a 1 de xaneiro de 2009).

ATRASOS de 2010:

- Para tódalas categorías: 28€ por cada mes (na paga de marzo tamén) que pase até que se cobre finalmente (e 0'51 do transporte).

- Para dependentes/as e caixeiros/as con 3 anos de antigüidade: 21€ cada mes (tamén na paga de marzo) até que se cobre.

- Para mozos/as (IIC) con 3 anos de antigüidade: 3'62€ cada mes (tamén na paga de marzo) até que se cobre.

Os traballadores que estiveran na empresa nalgún momento e que actualmente xa non pertencen a ela poden reclama-los atrasos correspondentes. Poñédevos en contacto connosco para realiza-las xestións oportunas.